

Piše: Davud MUMINović

U FOKUSU

Eksperti ministarstava pravde BiH i Srbije usaglasili sporazum o izvršenju sudskih odluka

Zatvor čeka 282 bjegunca iz BiH

SARAJEVO - Ekspertni timovi ministarstava pravde BiH i Srbije usaglasili su sporazum koji će omogućiti izvršenje sudskih odluka izrečenih u jednoj državi u slučaju kada osuđenik pobjegne u drugu državu, potvrđeno je u Ministarstvu pravde BiH.

Dosad su kriminalci zloupotrebijavali zakonske manjkavosti i dvojno državljanstvo tako što su izbjegavali pravdu bježeći u druge države nakon što im bude izrečena sudska kazna.

Nezvanično iz Ministarstva pravde saznajemo da se 282 osobe, koje su u Bosni i Hercegovini pravomoćno osuđene, kriju u Hrvatskoj i Srbiji.

"Ovaj sporazum samo treba da prouči procedura i da zvanično bude usvojen. Očekujemo da će biti usvojen u septembru ili oktobru ove godine", kazao je Jusuf Halilagić, sekretar Ministarstva pravde BiH, koji

je predvodio bh. ekspertski tim. On je podsjetio da je s Hrvatskom sklopljen sličan dogovor o izvršavanju kazni.

Na dvodnevnom sastanku u Sarajevu eksperti iz dva ministarstva dogovorili su i izmjene Ugovora o pravnoj pomoći u građanskim i krivičnim stvarima, kojima se stvaraju uslovi za prevazilaženje postojećih problema u vođenju duplih postupaka i istraga.

"Postignut je značajan stepen saglasnosti u utvrđivanju principa nastapanja i preuzimanja krivičnog gonjenja. Dogovorili smo da se prilikom određivanja u kojoj će državi biti suđenje posebno cijene državljanstvo okrivljenog i njegovo prebivalište, kao i prisustvo okrivljenog lica", kazao je Halilagić.

On je dodao da ovo ne znači da je pitanje "duplih" istraga, kao što su u slučajevima "Dobrovoljačka" ili "In-

zlansta kolona", riješeno.

"Ne možemo mi sudijama koji već vode postupke narediti da te postupke ustupe drugoj državi. Naravno, ovim sporazumom nisu riješeni svi problemi, ali je to dobar početak. Još jednom je istaknuto da je od izuzetne važnosti da se učinioci krivičnih djela kazne, te da se izrečene krivične sankcije i izvrše, bez obzira na to u kojoj državi su izrečene", kazao je Halilagić.

Ugovorom je predviđena mogućnost formiranja zajedničkih istražnih timova tužilaštva dvije države.

"Dosađ zajedničkih istražnih timova nije bilo. Ne znamo detalje dogovora dva ministarstva niti kako će to funkcionisati. U svakom slučaju dobro je da se suraduje, ali potrebno je i da ovi ugovori budu usvojeni", kazao je Boris Crubešić, glasnogovornik Tužilaštva BiH.

Predviđena mogućnost formiranja zajedničkih istražnih timova